

RISALA SHAB-E MERAJ O SHAB-E BARAT

(Bachon ke liye)

PESH LAFZ

Assalamu'alaikum Musaddiqeen o Musaddiqat,

Ye Risala "Shab-e Meraj O Shab-e Barat" khaas kar Badhti umr ke bachon ki shadeed zaroorat ko malhooz rakh kar banaya gaya hai, jis mein jahan tak mumkin ho urdu ke mushkil alfaz istemal nahin kiye gaye hain, aur jahan kaheen zarurat ho alfaz ke ma'na brackets de kar likh diye gaye hain (chahe English mein hi kyun na ho), jis ka ain maqsad kisi tarah zyada se zyada log is se mustafed ho saken. Sarparaston se guzarish hai ke apne bachon ko zarur parh kar sunayen.

Is risalay mein kaheen koi kotahi nazar aaye ya koi baat likhne se rah gayi ho toh is kam-ilm ki islah isi mail ke zariye kar sakte hain.

Email: shafimehdi@yahoo.com

Faqt,

Kamtareen Bhai,

Syed Yaqoob Shafi Mehdi.

SHAB-E MERAJ

Shab-e Meraj ka Matlab: “Shab” kahte hain farsi mein Raat ko. Aur Meraj ka lafz **urooj** se aaya hai aur urdu mein urooj kahte hain **Bulandi** ko, chu.n ke Hz. Risalat ma’ab Mohammed Musatafa SWS ko is raat yani Rajab ki sattaishwi.n shab [27th Rajab] ko sab se buland maqam par le jaya gaya tha isi liye is ko Meraj ke naam se yaad kiya jata hai.

WAZAHAT: Sab se buland maqam yani Asmaano.n ka mushahedah [observation/ expedition] aur sab se ooper jahan Rabb-e kayenath ki ain zaat hai US tak pahunchna [yani saatwe.n asmaan se bhi upar]. Aur is ke Irfani (asl) ma’nay Insan ka Allah Ta’ala ka Deedar sar ki ankho.n se (Allah Ta’ala ke) tamam sifaat ke sath karna hai.

Meraj ka zikr: Quran-e Majeed mein isi maqsoos Raat [yani Meraj] ka zikr do jaga khule alfaz mein aaya hai, Ek toh surah Bani Isra’eel aur dusra surah Najam.

1. **Surah Bani Isra’eel [Is ko surah “Isra” Bhi kahte hain] ki Ayat No. 1 Parah-15**
Tarjuma: Wo zaat paak hai jo aik raat apne bande ko Masjid-e haram [Khana-e ka’ba] se Masjid-e Aqsa [Baitul-muqaddas] tak jis ke girde-gird hum ne barkate.n rakhi hain le gaya taa ke HUM usay apni nishaniya.n dikhlaye.n

WAZAHAT: Masjid-e Haram [Khana-e kaba] se le kar Masjid-e Aqsa [baitul-muqaddas] tak ke safar ko isra kahte hain. Arabi mein “Isra” kahte hain “sair” ko aur isi liye is surah ko Surah “Isra” bhi kahte hain. Bait ul-Muqaddas Jerusalem mein hai. Yeh Hz. Moosa Alais-salam ke daur ka Qibla hai. Moosa A.S ke daur mein sab log Bait ul-Muqaddas ki janib muh kar ke sajda kiya karte the. Huzur SWS ke daur mein Aap [SWS] ki khwahesh par Allah Ta’ala ne qiblay ka rukh Bait ul-Muqaddas se palta kar Khana-e Kaba ki taraf kar diya, aur phir usi din se Musalmano.n ka qibla qayamat tak ke liye Kaba ki taraf muqarrar kar diya gaya.

Surah An-Najm parah No. 27 Ayat No. 8-9: Tarjuma: Phir WO [Yani Allah] nazdeek aya aur aagay badha so do kamano.n ke faaslay par ya isse bhi kam ho gaye, phir Allah ne apne banday ki taraf wo wahi bheji jo ke bhejni thi.

Yeh do jagah hain jahan Meraj ka zikr Qur’an mein aaya hai. Bacho.. Ab tak aap ko maloom ho hi gaya hoga ke Meraj kise kahte hain. Ab hum is raat mein hone wale ahem waqayaat par nazar dalenge.

Laikin isse pahle Ye baat yaad rakhne ki hai ke agay jo kuch bhi aap ko samjhaya jayega us par aap ko Eeman lana hai, aur Momin ki sifat / shaan Eeman bil-ghaib hai. Jaisa ke Allah ne Qur’an ki shuru’at hi mein hum se kah diya ke “Alif laaam

meeem, Zaalikal kitabu la raiba feeh, hudal-lil muttaqeen, Allazeena yu'minoona **bil-ghaibi**..... Surah Baqarah, Ayat No. 2-3 parah No. 1 [Alif Laam Meeem]

Tarjuma: Alif Laam Meeem, Ye kitab wo hai jis mein shak [ki gunjayesh] nahin, hidayat hai parhezgaron ke liye, **jo ghaib par Eeman latay hain**.....

WAZAHAT: Eeman = Deen ki baat par dil o jaan se yaqeen karna. Eeman bil-ghaib Yani us cheez par bila choon chara Eeman lana jis ko us ne dekha nahin.

Agar koi kahe ke "kya suboot hai, kis tarah ye mumkin hai ke RasoolAllah SWS jism ke sath Aasmanon mein pahunche the, wo bhi ghode par jo udh nahin sakta, Allah ko kis tarah koi dekh sakte hain?, Allah ka chehra kaisa hai? wagairah wagairah ke sawalat le baithe.n toh zindagi nikal jayegi magar aik bhi mas'ala samajh mein nahin aayega aur wo akherat mein nuqsan uthane wale ho jayenge [Na'oozu billah].. Mazeed tafseel ke liye Eeman-e Mujamil aur Eeman-e mufassil ka tarjuma bhi dekho. [Chiragh-e Deen-e Nabawi mein]

WAQAYA-E MERAJ

Meraj ka waqaya Hijrat se pahle ka hai. Hijrat ke saal se hi Islami tareekh shuru hui hai, to hum is ko is tarah kah sakte hain ke ye waqaya 11 Nabu'at ka hai [Yani jab Huzoor SWS ko Nabu'at ka Elan kiye 11 saal guzar gaye the, yani Jab aapki Umr-e shareef 51 khatm ho kar 52 shuru hui thi, Rajab ka Maheena tha aur sattaishwi.n [27th] raat thi aur Jumerat ki shab.

Ab jo kuch waqayaat aap ko batlaye ja rahe hain ye sab ahadees ki kitabon mein milte hain, Qur'an mein nahin..

Khana-e Kaba mein Huzur SWS araam farma rahe hain, Hazrat Jibra'eel A.S [Jo Farishton ke sardar hain aur ghaar-e hira mein Aap (SWS) ke liye wahi laya karte the] aate hain aur Huzur SWS ko leta hua Mahoo-e khwab pate hain, Jibra'eel A.S apni palkon se Huzur SWS ke qadam-e Mubarak ko sahlate hain taa ke aap ko takleef na ho aur neend se jag bhi jayen. Huzur pur Noor SWS jaag jate hain aur apne aagay aik farishte [Hz Jibra'eel A.S] ko paate hain jo ba-adab kah rahe hain ke "Baari-e Ta'ala ne aap ko talab farmaya hai aur Aap ke liye is ghode ka intezam kiya hai jis ka naam Burraq hai". [Burraq ek janwar hai/tha jo ghade se bada aur ghode se chota aur bilkul safed rang ka tha]. Aap wazu farmate hain, phir Burraq par sawar ho jate hain aur masjid-e Aqsa [Baitul muqaddas] ki taraf parwaz karte jate hain. Jab Aap [SWS] Baitul Muqaddas mein dakhil hote hain toh wahan pahle se hi sare Ambiya o Rusool ko paate hain, Aap (SWS) sab Ambiya kiram (Alahihuma'asslam) ki Imamat farma kar Namaz Ada karte hain. Jaisa ke aap jaante hain ke yahan tak ke safar ko "Isra" kaha jata hai. Is ke baad jo safar shuru hota hai wo Meraj kahlati hai [yani asmaanon ki sair aur Deedar-e KHUDA].

Pahle Asmaan par: Hz Jibra'eel A.S dastak dete hain, andar se awaaz aati hai "Kaun hai" Jawab dete hain "Main Jibra'eel hun" pucha jata hai aur koi hain aap ke sath? Jawab aata hai haan "Muhammed SWS hain" pucha jata hai ke "Kya inhe yahan bulaya gaya tha" jawab aata hai "Haan Rabb-e kaynaat ne inhe talab farmaya hai". Darwaza Khul jata hai.

*WAZAHAT: Yahan ye baat yaad rakhni chahiye ke farishton ko shayed maloom bhi hoga ke koun hain, aur kyun aaye hain, laikin **qanoon, qanoon hai [rule is rule]** Misal ke taur par court mein Judge jo hota hai wo mujrim se ya mulzim se aur un ke lawyers se sawalaat karta hai bawajood is ke ke judge ko bahot se jawabaat maloom hote hain "jaisa ke judge poochta hai..Aap ka naam?, walid ka naam?, pata wagairah wagairah.." Aur phir ye toh Allah ka qanoon hai jo sab se oopar hai aur sab se behter bhi.*

Jab Aap [SWS] pahle asmaan par jate hain toh wahan sab farishtay Khush amadeed [welcome] karte hain aur Abul Bashar Hazrat Adam A.S se mulaqaat hoti hai wo kahte hain.. "Khush amadeed mere bête..Kya khoob qismat laaye ho" **[Hazrat RasoolAllah SWS duniyawii aitbaar se Adam A.S ki aulaad hain laikin haqeeqat mein Aap [SWS] ki Rooh-e Mubarek Noor-e Haqeeqi se (Yani Allah ke Noor se) Hz. Adam A.S se bahot pahle takhleeq [paida] ho chuki thi].**

Dusre Asmaan par: Isi tarah Hz Jibra'eel A.S dastak dete hain, andar se awaaz aati hai "Kaun hain" Jawab dete hain "Main Jibra'eel hun" pucha jata hai aur koi hain aap ke sath? Jawab aata hai haan "Muhammed [SWS] hain" pucha jata hai ke "Kya inhe yahan bulaya gaya tha" jawab aata hai "Haan Rabb-e kaynaat ne inhe talab farmaya hai" Darwaza Khul jata hai .. **Yahan Aap ki mulaqaat Hazrat Esa A.S aur Unke khalere bhai Hazrat Yahya A.S se hoti hai,** Hz Esa A.S Aap [SWS] se mil kar kahte hain.. "Khushamdeed mere bhai..Kya khoob qismat laaye ho"..

WAZAHAT: Hazrat Esa A.S bhi Hazrat Ibrahim A.S ki aulad se hain [yani Hazrat Ibrahim A.S ke bête Hazrat Is'haq A.S ki aulad se hain aur Hazrat RasoolAllah SWS Ibrahim A.S ke bête Hazrat Ismayeel A.S ki aulaad se hain, is aitbaar se dono Chachere bhai hue. Isi liye Hz Esa A.S ne RasoolAllah SWS ko bhai kah kar mukhatib kiya]

Teesray Asmaan par: yahan bhi wahi sawal o jawab ke baad darwaza khulta hai phir **Hz Yusuf A.S se yahan mulaqat hoti hai,** Hazrat Yusuf A.S bhi Hazrat Is'haq A.S ke potre hain, isi liye inhon ne bhi wahi alfaz kahe jo Hz Esa A.S ne kahe the.

Chowthe Asman par: Hz Idrees A.S aur **panchwen asmaan par** Hz Haroon A.S [jo ke Hz Moosa A.S ke sage bhai hain], aur **chate Asmaan par** Hz Moosa A.S aur phir **saatwe.n Asmaan par** Hz Ibrahim A.S se mulaqaat hoti hai.

SIDARAT-E MUNTAHA: Ab yahan se oopar Arsh-e Maula hai yani **Sidrat-e Munteha** ke baad. Sidrat-e Munteha par Hz Jibra'eel A.S ruk jate hain aur kahte hain ke yahan se aagay kisi ko jane ki ijazat nahin hai.. Phir Andar se ALLAH ki awaaz aati hai Marhaba [WELCOME, WELCOME] Hz Muhammed SWS Hz Jibra'eel A.S ki janib dekhte hain to Hz Jibra'eel aap ko andar jane ka ishara karte hain, Aap SWS Hz Jibra'eel A.S ko bhi sath le jana chahte the, laikin is se pahle hi Hz Jibra'eel A.S ne kah diya ke "Ya Muhammed SWS agar main Sidrat-e Munteha se aik qadam bhi agay badhaunga toh jal jaounga".. SubhanAllah...Kya rutba hai Hamare pyare Aqa Hz. RasoolAllah SWS ka..

*WAZAHAT: Sidrat-e Munteha: Sidrat kahte hain ber ke pedh [plum tree] ko, aur munteha ka lafz **inteha** [The End] se aya hai. Matlab is ber ke pedh ke aagay kisi ko jane ki ijazat nahin hai. [Ye ber ka pedh nahin hai, balke isi tarah ki ek cheez hai jo bahot hi badi hai, laikin is ko Huzur SWS ne isi naam se yaad kiya hai] bahar haal..*

Main aap ko surah Najm ki wo ayat yaad dila dena chahta hun jo ke yahan amal mein aayi [pesh aayi]. **Tarjuma: Phir wo [Yani Allah] nazdeek aya aur aagay badha so do kamano.n ke faaslay par ya isse bhi kam ho gaye, phir Allah ne apne banday ki taraf wo wahi bheji jo ke bhejni thi.**

Yahan Huzur SWS Allah Subhana O Ta'ala ke Deedar se musharraf hue aur aamne saamne Raaz O niyaz ki baate.n bhi hui.n, Ummat ke ta'lluq se, dozak o jahannum ke ta'lluq se, Hashar, nashar, Shifa, Saza O jaza aur wo sab cheeze.n jise hum bhi nahin jaante hain, in sab ke alawa Huzur SWS ko kayi tohfe [Gifts] bhi ummat ke liye [yani hamare liye] diye gaye jin mein teen tohfe ye hain

1. Rozana 5 Namzaon ka farz hona
2. Surah baqarah ki aakhri ayate.n [Jis mein Allah ko manane ki aur maghferat chahne ki tarkeeb siklhayi gayi hai]
3. Aur teesra ye ke sirf Aap SWS ki ummat ko baghair tawba ke bhi muaf kiya ja sakta hai

WAZAHAT: Baghair tawba ke muafi ka jo zikr hai un ka ta'lluq Gunah-e sagheera [chote gunah] se hai. Ahadees mein aya hai ke Gunah-e kabeera [Bade gunah] jaise Shirk, Ribah [sood], Zina, Na-haq qatl Waghiarah, baghair Tawba o Astaghfar ke muaf nahin kiye jate.

Namazon ka tohfa le kar jab Huzur SWS laut rahe the toh chate Asmaan par Moosa A.S ne kaha ke "Dekho Muhammed SWS mujhe logoun ke mizaj ka tajruba hai, tumhari ummat itne namazon ka bojh nahin utha sakegi, Aap wapas jaiye aur Allah se kuch takhfeef [discount] ki guzarish kijiye. Huzur SWS wapas jate hain aur Allah se guzarish karte hain Allah takhfeef kar ke 40 namazen rozana kar dete hain, Wapasi mein chate asmaan par phir Musa A.S milte hain aur kahte hain.. "Nahin Ya

Muhammed SWS yeh bhi bahot hain, Phir jao aur mazeed takhfeef karwaoo, Phir Huzur SWS isi tarah jate hain aur 10 Namazen aur kam hojati hain, yeh silsila chalte rahta hai aur 5 namazen rozana muqarrar karwa kar wapap hote hain toh Musa A.S phir kahte hain ke “Ye bhi bahot hain, aur kam karwa lo.. “ Ab Huzur [SWS] kahte hain “Ya Musa A.S ab mujhe sharm aati hai main nahin jaounga..Itna kuch toh kam ho gaya hai meri ummat ke liye, ab mujh se nahin hoga”.

Bachon...! Dekho Huzur SWS ne hamara kitna khayal kiya aur kya kya nahin kiya ke ummat najaat paa le. Ye to chota sa namoona hai Huzur SWS ka Ummat ke liye lehaz ka. Aur hame dekho ke hum Huzur SWS ki is azeem kaawish [koshish] ko kitna sambhaal rahe hain.. aur kis muh se yaum-e hashr Huzur SWS se nazren milayenge... Ya Allah hame qayamat ke din ruswa na karna aur hamare amaal namey se hum ko aur hamare Aaqa SWS ko khush kar dena..Ameen

Is ke baad Jannat o dozak ka mushaheda karwaya gaya, aur saara asmaani Jamal o jalal dikhlaya gaya. Agar in sab ki tafseel likhi jaay toh bahot taweel ho jayega...lehaza yahin Khatm karte hain.

IS DUNIYA MEIN WAPASI

Jab Huzur SWS halath-e Meraj mein the tab Allah ke hukm se saari kaynaat ruk gayi thi. Riwayatou.n mein aaya hai ke Huzur SWS ka Safar-e Meraj taqreeban 36 saal ka tha, laikin jab wapap aaye toh dekha ke Wazu ka paani waisa hi bah raha hai, aur Darwaze ki zanjeer abhi tak hil rahi hai, yani sab cheezen phir se harkat mein aa gayin. Is ki misaal aisi hai ke kisi wall-clock ki battery nikal li jaay aur phir kayi saal baad is mein phir se battery daal den toh wo wahin se chalna shuru hoti hai jahan se usay roka gaya tha. SubhanAllah.. Yeh hai Huzur SWS ki shaan-e Mubarak aur unki azmat ka aik namoona.

KUFFAR-E MAKKA KA PROPAGANDA

Allah ka Hukm hua ke ab sar-e aam is waqaya ka Elaan kiya jaay. Dusre din Huzur SWS ne Kabay ki bhari jama'at mein is waqaye ka haal sunaya. Ye waqaya sunte hi Mushrikeen mare khushi ke hansne lage kyun ke unko aik mauqa jaisa mil gaya Huzur SWS ko jhutlane ka, aur kahne lage “Hum na kahte the ke Muhammed [SWS] ke dimagh mein khalal hai, [Allahu Akbar] aur wo [Naoozubillah] Majnoon hain. dekho kya kah rahe hain ke aik hi raat mein kabay se Udh kar Masjid-e Aqsa tak pahuch bhi gaye aur phir wahan se udh kar saatwe.n asmaan par pahunch gaye aur subah hone se pahle Allah se mulaqat kar ke wapap bhi ho liye”, phir kisi ne mashwara diya ke ab hame.n Abubaker [RZ] ke paas jana chahiye, kyun ke agar wo is waqaye ko jhutla de.n toh sare Musalmaan bhi jhutla denge.. aur Deen-e Muhammed [SWS] ka kaanta hi raste se hatt jayega.. Yeh kah kar sab Hz Abubaker

RZ ke ghar gaye aur waqaya sunaya. Hz Abu Baker [RZ] ne kaha ke “Kya Muhammed SWS waqayi aisa kah rahe hain”? Kuffar-e Makka Hz. Abu baker RZ ka ye jawab sun kar khushi se uchal gaye aur kaha ke haan haan yehi kah rahe hain, tum chal kar khud hi puch lo, Hz Abubaker RZ ne kaha “Agar ye baat mere Aqaa Hz. Rasool kareem SWS kah rahe hain toh main tah-e dil se qubool karta hun, agar ye tumhari zabaan hai toh tum bharose ke layeq nahin” Ye sunna tha ke sab kuffar ki kamar toot gayi, **BACHO..!! YEHI HAI EEMAN BIL-GHAIB YANI AQAA NE KAH DIYA TOH BAS YEHI SACH HAI, AUR BASSS**” Is waqaya ke baad hi Hazrat Abubaker RZ ko **Siddiq [Yani sach shakhs]** ka khitab [title] mila, aur tab se Aap [RZ] Abubaker **siddiq** RZ ke naam se mashoor hue.

Ab Huzur [SWS] se Mushrikeen ne sawalaat karna shuru kar diya, ke acha Muhammed [SWS] batao toh Masjid-e Aqsa ki kitni khidkiyaan hain, aur gumbad kaisi hai, wahan ka farsh kaisa hai..? Huzur SWS kuch fikr mein parh gaye kyun ke unko wo yaad nahin tha, balke unka dhyaan udhar gaya hi nahin tha, Itna sochna tha ke Allah Ta’ala ne Hz Rasool karim SWS ki nazron ke aagay Masjid-e Aqsa ka naqsha rakh diya, Huzur ginte jaate the aur batate jate the. Aise be-tukay sawalon ka silsila chalta raha aur Huzur [SWS] Badastur sahi jawab dete gaye, laikin bura ho **zid aur annaad** ka, ke itna sab sunne ke bawajood wo yehi kahte rahe ke aakhir itna sab aik raat mein kaise mumkin hai? Lahawla wala quwwata...!! [Bachon..aap bhi aik dafa lahawl parh lijiye]

Yeh tha Meraj ka bahot hi mukhtasar sa tazkera [description]. Ab hum fi zamana [is zamanay ke] kuch bad-bakht logoun ka is muqaddas raat ko jaagne ke aiterazaat par bilkul hi thodi guftgu ba-surat sawal o jawab kar ke khatm karenge.

Sara: Fatima bahen..... Assalamualaikum,

Fatima: Walekum salam sara bahen?

Sara: Kya aap ye maanti hain ke aaj ki raat Huzur SWS ko Meraj hone wali hai?

Fatima: ji nahin.

Sara: Toh aap is ko **shab-e Meraj** kyun kahti hain?

Fatima: ok.. Sara aap ye batao ke aap ki Birthday kab hai?

Sara: Aane wale maheene mein yani 15 july ko.

Fatima: Ooh.. Is ka matlab aap abhi paida nahin hui hain. Kyun ke aap ki **Birthday [yani paidayesh ka din]** aik maheene baad hai. Sara bahen, dar asl kisi bhi zaban ke kuch alfazon ki pachan uske mafhoom se hoti hai (yani jis tarah wo lafz awam

mein pahchana gaya hai) na ke us ke ain matlab se. Jaisa ke English mein lafz "Birth day" Mash'ur hai.

Sara: Ooh..chalo khair, ye bataao ke is raat ko jaagne ki waja kya hai, kya Huzur SWS ne is ko manaya tha ya takeed ki thi, agar nahin toh yeh deen mein bid'at samjhi jayegi [**Bid'at yani deen mein nayi cheez ejaad karna**] aur yeh bataao ke.

Fatima: Bas Sara.. main aap ke sare sawal samajh gayi ab is ka mukhtasar jawab de kar ijazat chahungi.. **Kya tum bata sakti ho ke Huzur SWS ne ye kaha ke is raat ko jagna mana hai ? Toh phir aap rokne wali kaun hain? Kya sahaba RZ mein se kisi ne jaagne se mana farmaya..? Is ki aik waja ye hai ke Un bargazeedah hastiyoun ke shab o roz ibadat mein hi guzarte the.. har raat ka unko besabri se intezaar rahta tha ke kab raat aaye aur kab Allah se raaz o niyaz karen [tanhai mein] hum gunahgaro.n ka wo haal nahin banta, to kam az kam hum aise bahane dhoond lete hain aur Allah ko yaad kar lete hain..laikin koshish ye karni chahiye ke Sahaba RZ ke naqsh-e qadam par chale.n. Hum maante hain ke Aaj Huzur SWS ko Meraj hone wali nahin hai wo toh 1400 saal pahle ho chuki.. laikin is raat US YAADGAAR Shab ko yaad karne aur Allah ke hum par in'amaat yaad karne, Allah ka shukriya adaa karne aur Ibadat o Zikrullah karne mein alag hi lazzat hoti hai aur yaad mein shiddat [strength] hone ki waja se khusho khuzo mein izafa rahta hai, jaisa ke aap ko saal-girah ke mauqe par khushiya.n manane ka alag hi lutf hota hai hala.n ke ye jaante hue bhi ke aap aaj paida nahin hue balke aap ko paida hue 11-12 saal guzar gaye..right..!! Aur Bida't us ko kahte hain ke..**

1. jis kaam ko Huzur SWS ne mana farmaya ho
2. ya wo kaam Jo Huzur SWS ne kuch kaha ho aur hum kuch aur hi tareeqe se kar rahe hon, ye maan kar ke sawab zyada hoga. Misaal ke taur par **aap ye kah ke fajr ke 4 rakat farz parh rahe hain ke do rakat ke muqable main char parhoongi toh shayed dugnaa sawab milega toh yeh deen mein bid'at [nayi cheez shamil karna] kahlati hai.**
3. Ya Bid'at us fayl [deed / act] ko kahte hain jo Qur'an O Hadees ki roushni se sabit nahin hai aur na kahin is ka ishara hi milta ho laikin hum usay farz ya wajib jaan kar amal karte ho.n aur is ko na karne par azaab ki waja samajhte hain toh yaqeenan yeh bid'at hai. **Laikin Sara, Shab-e Meraj mein jagna hum farz nahin samjhte na wajib balke is ko nemate.n lootne ka aik behtareen zariya samajhte hain.** Dusri baat yeh ke Kya tum ne wo ayat nahin parhi jis mein Allah farmate hain "Ara'aytallazi yanha, Abdan iza sallah" [surah Alaq], Tarjuma: **kya Aap ne dekha unko jo rokhte hain Bando.n ko Allah ki Ibadat karne se .." Agar aap kisi ko kisi bhi din, kisi bhi raat ya waqt Ibadat karne se rokhte hain aur bina soche samjhe Bid'at kah dete hain toh aap bhi is ayat ki hadh mein aa kar ZALIM ban**

jate hain aur zalimoon ka thikana kya hota hai ye aap ko kahne ki zarurat nahin hai. Aur. . . .

Sara: Bas bas bahen Fatima, main samajh gayi mujhe muaf kar do. Ya Allah mujhe muaf farmana. Aap ka bahot bahot shukriya aap ne mujhe is raat jaagne ki aik masarrat dil mein daal di.. JazakAllah.. Ab main chalti hun kyun ke mujhe araam karna hai taa ke raat mein jag sakoon..

Fatima: JazakAllah too Sara, Allah hafiz o naser. Batoun batoun mein hame waqt ka pata hi nahin chala, Ab hum bhi chalte hain kyun ke Maghrib ko sirf adha ghanta rah gaya hai. Chal kar Zikrullah karte hain. Phir mahgrib aur Isha parh kar Meraj ki khushiyaan Ibadatoun ke zariye manate hain...

SHAB-E BARAT

Shab-e Barat ke ma'nay: Shab kahte hain raat ko aur barat [bar+aat] arabi lafz hai jis ke ma'nay hain kisi cheez se baree [free] hona, Yani urdu mein yun kah sakte hain ke "Baree hone wali raat".

Ahadees mein aaya hai ke yeh raat Allah Ta'ala ki taraf se apne bandon ke liye aik tohfa hai jis mein Allah ki rahmatoun ki barish hoti hai, aur insan ke liye apne gunahon se bar'at hasil karne ka behtareen mauqa hai. Isi liye is ka naam Shab-e **Barat** hai.

Hadees: Hazrat Ali RZ se riwayat hai ke Farmaya RasoolAllah SWS ne ke "jab 15 shaban ki raat aaye toh ibadat karo raat mein kasrat ke sath aur dusre din roza rakho. Is raat mein [Jab ke suraj ghuroob hota ho] Allah Sama-e Duniya [pahle asmaan] par Tajalli farmate hain aur kahte hain "Hai koi jo Apne gunahon ki muafi chahe toh main usay muaf kar doon. Hai koi aisa jo rizq ki tangi se do-char ho toh main usay rizq mein barkat ataa karoon. Hai koi jo museebatoun mein ghira hua aur pareshan haal ke main uski musibat dur karoon" aur yeh barkate.n subah fajr tak nazil hoti hain.. [Kitab ul-Ahadees: Ibn-e Maja].

Bachon 14 shaban ki sham ziyarat-e quboor karna [zyartoun ke liye jana] bhi chahiye kyun ke ye sunnat hai.

Hadees:

Bibi Ayesha Siddiqah RZ se riwayat hai farmaya ke "main is raat RasoolAllah SWS ko ghar mein nahin payi, lautne par jab main ne pucha toh farmaya wo baqi [jannat ul-Baqi] ziyarat ke liye gaye the, aur farmaya ke is raat Allah Ta'ala ki rahmatoun ki barish hoti hai aur Allah is raat bakri ke baal se bhi zyada gunahon ko bhi baqsh deta hai. [Tirmizi, Ibn-e Maja].

Ek aur Hadees: Hz. Abu Musa Ash'hari RZ riwayat karte hain, farmaya RasoolAllah SWS ne ke "Allah is raat har gunah karne wale ko [sache dil se tawba karne par] muaf kar deta hai sivay **Mushrik aur gheebat karne walon ke**. Bacho.. Shirk [Allah ke sath kisi aur ko shreek karna] aik aisa gunah hai ke Allah ke paas is ki muafi hargiz nahin hai, Yahan aik aur baat aap ne ghaur ki, **ke gheebat karne walon ki dua bhi Allah is raat radd kar deta hai..** [jab tak ke sache dil se tawba na kar len aur ainda is gunah se bachne ka ahed na kar len]. Behter maloom hota hai ke apko gheebat ki kuch wazahat [elaboration] kar di jaay.

Gheebat: Gheebat ka lafz "**ghaib**" se aaya hai yani kisi ki burai uske ghaib mein [yani uski ghair haazri mein] karna isi ko **Gheebat** ke naam se yaad kiya jata hai. Aksar log ye samajhte hain **ke haq baat [sachi baat] kisi ki ghair hazri mein kahne mein kya buri baat hai gheebat toh tab hogi jab hum uski ghair maujudgi [absence] mein uske liye koi ghalat baat kahen**. Jo ke aik bahot badi ghalat-fahmi hai, agar kisi ke bare mein uski ghair maujudgi mein ghalat bat kahenge toh yeh **BOHTAAN** kahlata hai jo gheebat se bhi bada gunah hai. Kisi ki ghair maujudgi mein sahi baat kahna bhi bahot bada gunah is liye hai ke mulzim [jis par ilzam lagaya gaya ho] aap ke samne aisa hi hai jaisa ke koi murda. Isi liye Allah ne gheebat karne walon ko apne mare hue bhai ka gosht khane wale ki misaal se wayeed [warning] di hai. Ye misaal is liye hai ke Murda apne difa [defence] mein kuch kahne ke qabil nahin rahta chahe aap uske gosht ke tukde hi kyun na kar den ya us gosht ko khaye.n. **Isi liye Allah Ta'ala ne surah Hujuraat ki ayat 10-11 mein farmaya ke "Ay momino.. tum aik dusre ki gheebat mat kiya karo, kya tum pasand karoge ke apne mare hue bhai ka gosht khao..? Allah se daro, Beshak wo tawba qubool karne wala hai"** . Haan laikin hikmat ke taur par ye jayez hai ke aap kisi ko kisi ke shar se bachaye.n.

Hikmat: Aam alfaz mein Hikmat kahte hain "Aql-mandi" ko, aur yahan ba-taur kisi ko kisi ke shar [violence] se bachana liya ja sakta hai. Misaal ke taur par kisi "XX" ka aik jungle se guzar hua aur un ko raaste mein daaku ki aik tolee ne loot liya. XX ko lutt jane ke baad us tolee ke agle shikar ki khufiya khabar [secret mission] bhi maloom ho gayi. XX un be-khabar logon ko daakuo.n ka mission unke hamle se pahle jaa kar suna deta hai. Hala.n ke ye daakuo.n ke ghaibane mein un ki burai ki khabar di ja rahi hai laikin ye Hikmat hai Gheebat nahin. Yaad rahe ke hamari niyyat sirf makhlooq [Allah ke bando.n] ko bachane tak hi qayam rahe. Jahan hikmat ki hadh khatm hoti hai wahan gheebat ki hadh shuru hoti hai.

Pyare bacho Aaj hum ahed [pledge] lete hain ke aaj se kisi ki bhi uski peet piche koi burai nahin karenge, chahe wo baat [hamare lehaz se sahi hi kyun na ho]..aur Allah se hamare pichle sab bade aur chote gunahon ki sacche dil se muafi chahenge. kyun ki Allah har-har gunah muaf kar sakta hai **agar sache dil se tawba Karen aur karte rahe.n toh**. Quran Kahta hai (jis ka mafhoom kuch is tarah hai) ke Jab

shaitan jannat se nikala gaya toh jate jate Allah Ta'ala ko takabbur aur josh mein ye challenge kar diya ke "Ay Allah tu mujhe zaleel kar ke jannat se nikal raha hai aik mitti se bane Adam [A.S] ki khatir toh teri izzat ki qasam main bhi unke peeche hamesha lag jaunga aur gunah pe gunaah karwaunga, har gunah ko lazzat-daar bana ke bhatkaunga. Allah ne farmaya Nikal ja ay mardood..! Aur jate jate tu bhi sun le ke main apne is **Adam aur uski aulad ko itna chahta hun ke us ke liye tawba ka darwaza halath-e gharghare [maut ke aakhri minute] tak khula rakhoonga...** SubhanAllah. Ab aap zara ghaur karen ke hum **Allah ki is Muhabbat ki kitni laaj rakh rahe hain aur shaitan ke kitne mureed ban rahe hain..** Lakin bura ho nafs parasti ka ke kayi log isi baat ko dhaal bana kar gunah pe gunah kiye jate hain ke chalo Allah Ta'ala ne toh itni riya'yat [chhoot] de hi di hai toh kyun na hum man maani Karen. Aur aakhri waqt sache dil se tawba kar lenge, jaisa ke kisi behosh shayer ne yun kaha ..

Raat ko bhar poor piye subha ko tawba kar li.

Rind ke rind rahe, haath se jannat na gayi. [rind = sharabi].

Laikin ye bhool gaye ke,

1. **Ghalati [mistake] aur baghawat [violation]** mein bahot bada farq hai. Ghalati bila-qasad [baghair niyyat ke] hoti hai aur Baghawat jaan boojh kar. **Shaitan ne ghalati nahin ki thi balke Baghawat ki thi aur isi bina par hamesha ke liye Jahannum raseed ban gaya.**
2. Gunah ke bharse tawba aur tawba ke bharse gunah aik bahot bada shaitani waswasa hai. Kya koi ye dawaa kar sakta hai ke uska aakhri waqt kab ayega, Aur phir kya ye mumkin nahin ke wo halath-e gunah mein hi baghair tawba par mar jaay. Ma'az Allah.
3. Kya Allah is baat par Qadar nahin ke bando.n ki aisi **ghatiya niyyat** ke pesh-e nazar us ke dil se **tawba ka jazba hi mita kar rakh de**, ya aakhri sanso.n mein kalmia hi zaban par adh jaay. Ma'az'Allah Summa Ma'az'Alah.
4. Kya mazkura bala sutoor ke misdaaq banna (Yani ooper diye gaye points ko follow karna) is baat ki daleel nahin ke Allah ke bande, Allah hi ke inayat karda ehsano.n ka ghalat istemal kar rahe hain ya (Talkh lafzo.n mein) yun nahin kaha jayega ke wo **Allah se Chaal chalne ki koshish kar rahe hain.** Allah Ta'ala aise hi bad-bakht bando.n ke liye Qur'an mein farmate hain ke "Makaroonu makaraAllah, Wallahu khairul Maarkireen. **Tarjuma: Kuch chaale.n Dushmano.n ne chalee.n aur kuch chaale.n hum ne. Aur Allah hi sab se behtar mansuba-band (Great planner) hai.**

Patakhay jalana: Kayi ziddi bache is raat apne waledain se ye israar [zid] karte hain ke unke liye patakhay le aaye.n, ghar sar par utha liya jata hai. Kuch maan baap

majbur ho kar bachon ki zid पूरी कर देते हैं **[jo ke bachon ke sath-sath maan baap ki bhi bahot badi Ghalati hai]**. लेकिन बच्चे जो ऐसा करते हैं बहुत ग़लत बात है, क्युंकि ऐसे अज़ेम मौक़ाय पर लहु-ला'ब (लखर खेल कूद) में मुल्हविस रहना इस रात की शान के बिल्कुल ख़िलाफ़ है, ऐसा कोई हुक़्म नहीं है और ना ये हमारे बुज़ुर्गों की राव़िश [मामूल] रहा है कि इस रात पताक़ाय ज़ालये ज़ये.न. इस रात को ही नहीं बल्कि पताक़ाय किसी भी व़ाक़्त नहीं ज़ालाना चाहीये इससे ना सिर्फ़ व़ाक़्त ज़ा'ये [बर्बाद] होता है बल्कि इस्राफ़ [फ़ुज़ूल ख़र्ची], अग़ लगे का दर भी होता है. इस के अलावा अग़ से खेलना भी एक शैतानी हक़क़त है.

Toh hum kis tarah is raat ka ehtemaam karen...?

अस्र से पहले ज़ियारत से फ़रि़ग़ हो जाये.न, उस के बाद म़ग़रिब तक ज़िक़रुल्लाह की ऩिशिस्त ज़ायम करे.न

फ़िर ख़ाने से फ़ारे़ग़ हो कर अराम कर लेना चाहीये ताकि रात में नेन्द का ग़लबा ना रहे.. फिर उठ कर व़ाज़ु करेन त़हियतुल व़ाज़ु दुग़ाना अदा करने के बाद इशा की ऩामाज़ चोती सन्नत तक पढ़े.न, फिर ज़ितना हो सके (बाले़ग़ उल-उम्र) ज़ाज़ा-ए-उम्रि अदा करे, फिर ज़िक़रुल्लाह में मशग़ूल रहें, क़येे बार सज्दे में जा कर अल्लाह से अपने गुनाहों की सच्चे दिल से मुअफ़ि चाहें, और जो दिल में आया अल्लाह से मांग लें. अल्लाह चोती सी चोती बात भी सुन लेता है क़ास कर आप जैसे मसूमों की दुआ, बच्चों और अल्लाह के बीच कोई अड्ड [पर्दा] नहीं रहता. हांन एक बात ज़ाहें में रक्खना चाहीये कि हम ऐसे दरबार में खड़े हैं ज़ाहें बादशहों के बादशह भी क़ामतारेन मुफ़्लिस [ग़हारेब] की ह़ासियत रक्खते हैं, जो भी मांगना हो उस की (अल्लाह की) अज़मत का लेहज़ कर के मांगा चाहीये... इस मौक़ाय पर एक सबाक़ अमूज़ क़ाहानि सुना कर ख़तम करुंगा.

एक आदमी को क़ुच ज़रूरत थी. हर ज़ग़ा क़ोशिश कर के थक़ गया फिर त़य क़िया के अब तो ब़दशह से ही अपनी फ़रियद करूंगा वो इसी ख़याल से ग़र से निकला. रास्ते में एक व़ाली से मुलाक़त हुई, पूछने पर अदमी ने बतया कि वो क़ाहें और क़्युंन जा रहा है, व़ाली ने क़ाहा कि तु सब से बड़े ब़दशह के पास क़्युंन नहीं जाता. अदमी ने क़ाहा कि क़ोसे ब़दशह के पास? व़ाली ने क़ाहा कि जो सारे ज़ाहानों का ब़दशह है यानी कि **ALLAH SUBHANA O TA'ALA**, वो अदमी बहुत शरमिंदार हुआ, व़ाली की बात दिल को लगी फ़ुरी व़ाज़ु क़िया और म़सज़िद की तरफ़ च़ल दिया म़सज़िद में जा कर अल्लाह से एक हज़ार रुपिये मांगने का फ़ाइसला कर लिया.. जब व़ाज़ु बनया कर ज़ाने लगा तो सोचा कि अल्लाह क़ितना बड़ा है उसे एक हज़ार रुपिये किस तरफ़ मांगू...क़ितना ख़ऱाब लगेगा, ऐसा क़ारता हूँ कि एक लख़ मांग लेता हूँ, फिर क़ुच दूर जाने के बाद सोचा कि अल्लाह के लिये एक लख़ तो क़ुच भी नहीं है क़्युंन कि वो साााााााा ज़ाहानों का म़ालिक है, एक ग़ा.न तो उस के अग़ाय क़ुच है ही नहीं ऐसा क़ारता हूँ एक ग़ा.न मांग लेता हूँ, इसी तरफ़ अल्लाह की अज़मत उसके ज़ाहें में आती ग़ायी और जो भी सोचता उसको वो बहुत चोती लगे लगी. अख़र में सारी दुनिया मांगने का फ़ाइसला क़िया..लेकिन क़ुच दूर च़लने के बाद फिर व़ाही ख़याल. के दुनिया तो अल्लाह के नज़देक़ एक ज़र्रे के ब़राबर भी नहीं, फिर एक ज़ग़ा बैठ ही गया और सोच सोच कर

nidhal ho gaya. Phir utha aur Allah se sajde mein ja kar ye dua maanga ke “Ay Allah main soch soch ke pagal ho gaya laikin jo bhi cheez sochoon mujhe tere aagay bahot choti lage, hatta ke jannat ul-firdous bhi soch kar dekh liya ..toh main ne faisla kiya ke main tujh se TUJH HI KO MANGTA HUN ..YA MALIK BAS TU MERA HO JAYEGA TOH SARI KAYENATH MERI HAI. AGAR TU HI MUJH SE RAZI NAHIN TO SARI KAYENATH LE KAR MAIN KYA KAROONGA.. YE KAHNA THA KE US ADMI KI KAIFIYAT BADAL GAYI, PAISO.N KI KHWAHESH KU KAHIN DUR KHO GAYI AUR USAY BHI ALLAH KI VILAYAT MIL GAYI AUR WOH BHI VALI BAN GAYE [VALI YANI ALLAH KE DOST]..Bachon Hz. Imamuna Mehdi maud A.S ne hame isi ki toh taleem di hai ke “Khuda se Khuda ko maango” Tab kaheen ja kar aap khuda ke noor se Khuda ka deedar kar sakte hain,...Ameen ya Rabbul Alameen. Ek aur baat, Khuda se Khuda ko maangna asan hai laikin dil mein usko pane ki sachi kaifiyat paida karne ke liye hamesha Allah ka zikr (-e khafi) karna aur. Deendaar logoun ki sohbat zaruri hai, Is ke alawa Deen ka zaruri ilm hasil karna chahiye. Duniya ke dilkashi [attractions] se aur Buraiyou.n se dur rahna bahot zaruri hai. Bhala bataao ke Allah aur GhairUllah (duniya) aik jaga kaise rah sakte hain? Jab Duniya ko nikaloge toh Allah dil mein bas jayega. Ameen, Imamuna Mehdi A.S ne ye bhi farmaya ke agar koi bhi duniyawi majburi aa jay toh bajaay ghair ke aagay hath phailane ke Allah se hi maang lo, yahan tak ke pani ya namak hi kyun na ho, kyun ke intezam karne wala toh wahi hai...right.

Jab dua se faregh ho jaye.n toh Tilawat-e Qur’an mein phir se apna kuch waqt guzare.n. Akheer mein Witr ada kar ke araam kar lena chahiye taa ke apki choti si tabiyat par muzeer asar na parhe. Iske baad agar bado.n ki ijazat ho toh un ke sath sahri Kar ke roza rakhen.. Phir Namaz-e Fajr ada Karen.. Allah apki ibadat zarur qubool karega. AMEEN YA RABBUL ALAMEEN

Allah hafiz o naser..

TAMMAT BIL KHAIR

KHAAS GUZARISH:

NACHEEZ KE WALID-E MARHOOM FAQEER HZ. SYED FAZAL-E MEHDI URF MEHBOOB MYAN QIBLA KE LIYE DUA-E MAGHFIRAT AUR AAP KE HAQ MEIN HAR LAMHA BARAAN-E DEEDAR-E ILAAHI KI KHAAS TAUR SE GUZARISH HAI.

Faqt,

Ehsan-mand o Kamtareen bhai,

Syed Yaqoob Shafi Mehdi.